

Redovni izvještaj dnevnih događaja i pojava

Izvještaj se odnosi na događaje u vremenskom periodu od 06.07.2026. godine od 08:00 sati do 07.07.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Općina Sanski Most - Vatrogasna jedinica općine Sanski Most imala je intervenciju na gašenju požara od 13:12 do 13:38 sati u mjestu Magarice, gdje je došlo do zapaljenja motocikla.

Općina Velika Kladuša - Vatrogasna jedinica općine Velika Kladuša imala je intervenciju na gašenju požara od 10:38 do 10:55 sati u zgradi Općinskog suda Velika Kladuša u ul. Maršala Tita, gdje je došlo do požara na UPS bateriji.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Na magistralnoj cesti M-5 granični prelaz Izačić-Bihać izvode se radovi na rekonstrukciji mosta preko potoka Mrižnica. Vozila se preusmjeravaju na privremenu obilaznicu (bajpas) u neposrednoj blizini radova, naizmjeničnim propuštanjem. Zbog radova na redovnom održavanju na području Laništa na magistralnoj cesti Ključ-Bosanski Petrovac od 07 do 17 sati (osim vikenda) vozila saobraćaju naizmjenično jednom trakom.

Počeli su radovi na sanaciji nadvožnjaka na magistralnoj cesti Bihać-Ripač, na lokalitetu Orljani. Za sada neće biti izmjena na magistralnoj cesti, ali će biti zatvoreno skretanje sa magistralne ceste prema naselju Ribić-Orljani.

Na graničnim prelazima za putnička vozila nema dužih čekanja.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se četiri saobraćajne nezgode. Jedno lice zadobilo lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Bihać - Od 02:30 sati zbog kvara u prekidu je DV 10kV Martin Brod.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA NUS (LP-19)

Grad Bihać- Od Službe za civilnu zaštitu grada Bihaća primljena je Prijava podataka o NUS- a koja su pronađena u ul. Darivalaca krvi br.48. Pronađeni su okviri sa municijom i nepoznati NUS- 3 komada.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 19,6 °C.

Vodostaj rijeke Une iznosi 24 cm, (početak obavještanja je 100 cm).

U općini Sanski Most u 08:00 sati temperatura je iznosila 18 °C.

Vodostaj rijeke Sane iznosi 96 cm (početak obavještanja je 310 cm).